

তাওহীদ

তাওহীদ এর আভিধানিক অর্থঃ তাওহীদ শব্দটি আরবী, যার

শাব্দিক অর্থঃ একত্ববাদ, এক জানা বা একাকীকরণ।

পারিভাষিক অর্থঃ আল্লাহকে এক জেনে শুধু তাঁরই সন্তুষ্টির জন্য ইবাদত করাকে তাওহীদ বলা হয়।
আল্লাহ্ তা'আলা তাওহীদ প্রতিষ্ঠা করার জন্যই সকল নাবী-রাসূলকে প্রেরণ করেছেন।

আল্লাহ্ তা'আলা বলেনঃ

(لَقَدْ بَعَثْنَا فِي كُلِّ أُمَّةٍ الرَّسُولَ أَنْ اعْبُدُوا اللَّهَ وَاجْتَنِبُوا الطَّاغُوتَ)

“আর আমি প্রত্যেক জাতির মাঝে এ মর্মে রাসূল প্রেরণ করেছি যে, (তাঁরা বলবে) তোমরা একমাত্র আল্লাহর এবাদত কর এবং দ্বাগুত (শির্ক ও কুফরী) থেকে বিরত থাক।” (সূরা নাহল-৩৬)

তাওহীদ তিন প্রকারঃ

১। তাওহীদুর রুবুবিয়াহ্

২। তাওহীদুল উলুহিয়াহ্

৩। তাওহীদুল আসমা অয়াস্ সিফাত ।

তাওহীদ ছাড়া কোন আমল আল্লাহর নিকট গ্রহণযোগ্য হবে না । তাই সর্বপ্রথম তাওহীদে বিশ্বাসী হতে হবে ।

১। তাওহীদুর রুবুবিয়াহ্ (প্রতিপালকরূপে আল্লাহর একত্ব বাদ)ঃ আল্লাহ্ তায়ালাকে একমাত্র স্রষ্টা, প্রতিপালক বলে বিশ্বাজগতের মালিক ও পরিচালক বলে বিশ্বাস ও মান্য করাকে “ তাওহীদুর রুবুবিয়াহ্” বলা হয়।

২। তাওহীদুল উলুহিয়াহ্ (ইবাদতে একত্ববাদ)ঃ আল্লাহ্ তা'আলাকে একমাত্র যথার্থ মাবুদ হিসেবে বিশ্বাস করা এবং তার জন্যই যাবতীয় ইবাদত সম্পাদন করাকে “ তাওহীদুল উলুহিয়াহ্” বলা হয়। তিনি ছাড়া অন্য কেউ ইবাদতের যোগ্য নয়, যারা তাকে রব হিসেবে বিশ্বাস করবে তাঁরা শুধু তাঁরই ইবাদত করবে ।

৩। তাওহীদুল আসমা অয়াস্ সিফাত (নাম ও গুণাবলীতে একত্ববাদ)ঃ আল কুরআন ও সহীহ হাদীসে বর্ণিত আল্লাহ্ তা'আলার সুন্দর নামসমূহ ও পবিত্র গুণাবলীকে শুধুমাত্র তার জন্যই সাব্যস্ত করা এবং তার সাথে অন্য কাউকে অংশীদার না করাকে “তাওহীদুল আসমা অয়াস্ সিফাত” বলা হয়।